

मस्तयुगु नितिं बाइबल
न्हाब्बया



नोआ व
जलप्रलय



चवमि: Edward Hughes

किपा: Byron Unger; Lazarus
Alastair Paterson

न्हयव्व:म्ह: M. Maillot; Tammy S.

भाय् ह्यूम्ह: Mr. Prem Maharjan

पिकाक: Bible for Children
www.M1914.org

©2023 Bible for Children, Inc.

अनुमति पौ: श्व सत्य बाखं सितिकं इना बीत जक थुकिया खँग्व:त कायेफु,
अले छापय् यायेगु निंतिं अनुमति नं ब्यूगु ख: तर श्व सफू ध्यबा कया मिइत मखु।



नोआ परमेश्वरया आराधना
याइम्ह मनू खः। मेपिं मनूत
फुक्कसिनं परमेश्वरया आज्ञा
मानय् मयासे घृणा याइगु खः।

छन्हु परमेश्वरं छगू अजुचायापुगु
खँ धयादिल। “जिं

श्व दुष्ट
संसारयात
नाश याये,” परमेश्वरं
नोआयात

धयादिल। “छंगू
परिवार जक
बचय् जुइ।”



जलप्रलय वइ अले पृथ्वीयात त्वपुयाबी धकाः
परमेश्वरं नोआयात ख्याच्चः बियादिल। “छंगु
परिवार व यक्वः जीव जन्तुत न्ह्यनीगु कथं
सियागु छगू तःधंगु जहाज दय्की,”
नोआयात आज्ञा बियादिल। परमेश्वरं
नोआयात पाय्छी उजं
बियादिल। अले
नोआ व ज्या

यायेगुलिं
लगय्
जुल।



नोआं व जहाज दय्कागु
कारण बयान याबलय्
मनूतय्सं हेला यात।
तर नोआ नं


दय्केगु मत्वतु।
वं मनूतय्त परमेश्वरया
बारे धया हे च्वन तर
सुनानं वयागु खँ मन्य।



नोआयाके तसकं तःधंगु
विश्वास दु। न्हापा गुबले
नं वा मवःगु जूसां वं
परमेश्वरयात विश्वास
याना हे च्वन। फुक्याक
सामानत तयगु नितिं
जहाज याकनं हे
तयार
जुल।



जीव जन्तुत जहाजय् दुने दुहां वल। परमेश्वरं गुलिं जातिया
न्हय्म्ह अले गुलिं निम्ह पशुत जहाजय् दुने हल। तःधिपिं व
चिधिपिं चखुंत, चिधिकःपिं व तधिकःपिं पशुत
व जहाजय् दुने
वल।



नोआ नं पशुतयत् जहाजय् दुने तबलय् मनूतय्सं
ततःसलं वयागु निन्दा यात जुइमा। इमिसं
परमेश्वरया विरोध याना पाप यायेगु मत्वःतु।
इपिं जहाजय् दुने दुहां वये मानय् मजु।



लिपतय् फुक्क जीव जन्तुत व
झंगःपंक्षित जहाजय् दुने वल।

“जहाजय् दुने
वा,” परमेश्वरं
नोआयात
सःतादिल। “छ
व छिमि परिवार।”
नोआ वया कलाः,
वया स्वम्ह काय्पिं व इमि
कलापिंजहाजय् दुने वल। अनंलि
परमेश्वरं जहाजया लुखा तिनाबिल।



अनंलि वा वयेगु
शुरू जुल। पृथ्वीइ
पीन्हु पीचा तक
तसकं वा वल।





शहर व गांत दुबय्
जुल। वा वयेगु दीबलय्
पहाडत तकं दुबय् जूगु खः।
सासः दुपिं फुक्क प्राणीत सीत।






लः जायावलिसें जहाज
चवय् थहां वल। दुने
खिउंसे च्वं जुइफु, जहाज
सन जुइफु अले ग्यानापुसे
च्वंगु अवस्था वल जुइमा।
तर व जहाजं नोआयात
जलप्रलय् पाखें बचय् यात।



न्यालातक वा वये धुंकाः परमेश्वरं गंगु बँ
जुयेत वाफय् छ्वयादिल। बिस्तारं व जहाज
आरारात पहाडय् वना दित। नोआ लःया
जाः क्वमल्हातलय् मेगू पीन्हुतक
जहाजया दुने हे
च्वना च्वन।



नोआनं छम्ह क्वः व छम्ह बखुंयात जहाजया इयालं पिने
व्वय्का छ्वल। च्वनेत गंगु बँ मदया बखुं नोआयाथाय् तुं
लिहां वल।





छ वा लिपा नोआं
हाकनं बखुंयात व्वय्का
छ्वल। थुपालय् वं त्वथं
जैतूनसिमाया छगू कचा
ज्वना लिहांवल। मेगू वालय्
बखुं लिहां मवल, अथे जुयाः
पृथ्वीइ सुनां वना धयागु खँ
नोआं सिकाकाल।



आः जहाजं पिने पिहां वय्गु ई जुइधुंकल धकाः परमेश्वरं
नोआयात धयादिल। नोआ व वया परिवार
सकलें मिलय् जुयाः जीव जन्तुतय्त जहाजं
पिने पिकाल।



नोआ गुलि सुभाय्
बिल जुइ! वं छगू
वेदी दय्कल अले
परमेश्वरया आराधना
यात गुम्हय्सिनं तधंगु
जलप्रलयपाखें व अले
वया परिवारयात
बचय् यानादिल ।





परमेश्वरं नोआनापं
छगू अजूचायापुगु
प्रतिज्ञा यानादिल ।
वय्कलं मनूत पापया
न्याय यायेत हाकनं गुबलें
नं जलप्रलय छ्वयाहये मखु ।

परमेश्वरं थःगु प्रतिज्ञा
लुमंकिगु छगू तःधंगु
चिं बियादिल ।
परमेश्वरया
प्रतिज्ञाया चिं
इन्द्रेणी खः ।



जलप्रलय लिपा नोआ
व वया परिवारयात न्हूगु जीवन
दत। छुं ई लिपा वया सन्तानतय्सं
फुक्क पृथ्वी जाल। संसारया
फुक्क जातित नोआ व वया
सन्तापाखें वःगु खः।



नोआ व जलप्रलय

मस्तयुगु नितिं बाइबलया खँ न्ह्यब्बेया थव परमेश्वनरया
बचन बाइबलपाखें काःगु सत्य बाखं खः गुगु

उत्पत्ति ६-१०

“छिगु वचन थुइकाबीबलय् जिमित जः दइ।”

भजनसंग्रह ११९:१३०



कवचाल



बाइबलया थ्व सत्य बाखं नं झी अजुचायापुम्ह परमेश्वरया बारे कनाबी
सुनां झीतः दय्कादिल । छं वय्कःयात म्हसिमा धकाः वय्कलं इच्छा यानादी ।

झीसं मभिं गु ज्यात यानागु दुसा परमेश्वरं सिइका कायेफु गुकियात वय्कलं पाप
धयादिल । पापया सजाँय मृत्यु खः, तर परमेश्वरं झीतः यक्वः माया यानादिल ताकि
झीगु पापया नितिं क्रूसय् सीना दुःख कष्ट फयेत वय्कलं थः याकः काय् येशू
प्रभुयात थ्व संसारय् छ्वयाहयादिल । हाकनं येशू प्रभु म्वानाः झायादिल अले
स्वर्गय् थःगु छँ झायादिल । थौं झीसं प्रभु येशूयात विश्वास यात धाःसा झीगु पाप
क्षमा यायेत वय्कःयाके बिन्ती यात धाःसा वय्कलं झीगु पाप क्षमा यानादी । अले
वय्कः झीगु नुगलय् दुहांझायादी अनंलि झीपिं सदां वय्कः नापं हे च्वनाच्वनी ।

छुं जुयाः छं थ्व सत्या खः धकाः विश्वास यानागु खःसा परमेश्वरयात थथे धकाः
प्रार्थना याः यःम्ह प्रभु येशू, छि हे परमेश्वर खः, जिगु पापया नितिं सीनादीत छि
मनू जुयाः थ्व संसारय् झाल अले हाकनं स्वन्हु दय्काः म्वानाझाःगु खः धकाः जिं
विश्वास याये । दयायाना जिगु जीवनय् झायादिसँ अले जिगु पापत क्षमा यानादिसँ
ताकि जिं न्हगु जीवन काये फयेमा अले न्ह्याँबलें छि नापं हे च्वना च्वने फयेमा ।
छिगु आज्ञा मानय् यायेत व छिगु सन्तान जुइत छिगु नितिं
म्वायेत जितः ग्वासहालि यानादिसँ । आमेन ।

न्हिया न्हि थं बाइबल ब्वनेगु या अले परमेश्वर नापं खलाबला या । यूहन्न ३:१६

